

QVAESTIO MEDICA.

CARDINALITIIS DISPUTATIONIBVS MANE DISCVTIENDA IN SCHOLIS MEDICORVM, DIE IOVIS XIX. MENSIS MARTII, M. QVIRINO LE VIGNON DOCTORE MEDICO MODERATORE.

An Sclopetorum vulnera venenata?

683

QVAERVM externarum corpus nostrum afficiunt alia necessaria, quales sunt res non naturales omnes *ἀσθενεῖς*; alia non necessaria, ut calus, ictus & fortuita omnia, quarum impetus cæci, licet nec arte prouideri nec declinari possint, medicam tamen opem chirurgique *διὰ χειρὸς* exposcunt. Ab his etiam absentibus causis ut & præsentibus indicationes desumendo, futura prædicendo citò, tutò & iucundè *συνήθως, διαπεινὴ & διαπεινὴ* (quibus vniuersa Chirurgia ut Medicina *καὶ φάρμακον* comprehenditur) absoluit. Sic in vulnere sclopetis inflictorum curatione à solutione continui & contusione insigni rerum agendarum insinuationes depromendo optatum finem consequetur.

ENIM VERO vulnere promptè, difficulter aut nullatenus sanabilem cognitio Medico magis quàm Chirurgo, utrique tamen necessaria est, ne videantur occidisse quem fors ipsa peremit, aut eius curam suscepisse qui feruari non poterat. Parua magnis, rotundis recta, discissa collisis, ære quàm ferro incisa *διὰ χειρὸς* sunt. Parua ne contemnit, quæ cordi illata mortem haud dubiam, Diaphragmati rissum sardonium (hic ut ab assumpto multo croco *καὶ κόκκῳ*) phrenitidem. Cerebro bilis vomitù, desipientiam *ἀφασίαν*, apoplexiam, ab omni humore, à sanguine mitiorem, & *ἐκ πλεον*. Iugularibus aut magnis venis profusione sanguinis hominem exhauriendo, desipientiam, singultum, conuulsionem, ab hypercatharsi calamitosam, inuehunt. Capitis *καὶ κεφαλῆς* in syncipite aut temporibus accepta, quàm in occipite, vertice aut ponè aures grauiora.

AT virulentis inflicta bestiis aut armis veneno infectis *ἐκ τοῦ* sunt, quæ nimis intumescere periculosum: nihil, periculosissimum. Vulneratæ parti impactum intròque subiens venenum cucurbitulis, scarificatu, suctu, vitione reuellendum, atque tum venæ sectione, catharsi, hydronicis, repellentibus & epuloticis consultò abstinendum. Internis impressa partibus maligna *ἀσθενεῖς* alexipharmacis corrigenda, quæ frustra à consumili expectas veneno, cuius vis certo tempore non interimens, consuetudine sæpè perit. Id aliàs intus progignitur, aliàs imprudentius intro assumitur ex metallorum, stirpium & animalium genere. Caue ne sulphur, nitrum, carbones salicis aut iuglandis venena existimes, singula innoxie assumenda & admoenda. Confusus ex his pyrius pulvis potus & admotus vulneratis interdum præsentis fuit auxilio Numquid ferarum & auium sclopo occisarum carnes (secus sagittis thora, limco aut *ἐν κηρῷ* tinctis) inter elegantiores epulas reponuntur?

CÆTERVM quæ *πυρρὰ* vulneribus superueniunt omnia erosio, dolor, *ἐκ φλογος*, syncopè, *κατὰ*, febris, gangræna, sphacelus non veneno, multo minus adustioni adscribenda sunt, quinimo ad collisionem, fracturam, contusionem ve referenda, à violento missilium ex ære, plumbo aut ferro globulorum impetu, igniti pulueris inta tormenti fauces multiplicari operâ, cuius imperio vel id quo conclusus est necessario disrumpitur, vel quod debilius resistit, cedat omnino oportet. Similis penè ab illato cornu cerui vulnere clades oboritur, licet ut cornu vnicornis mirificè venenis obsistat. Utrobique si Aultrina putredinis parens, aut Aquilonia vlceribus, ut pectori inimica tempestas accidat, inde malorum fœtura multiplex atque anceps curatio, quam præter hæc efficiunt ætas, corporis constitutio, *ἐκ τῆς φύσεως* & affectarum partium natura. Adeo perperuum est in arte medica, ob vulgi infirmitiam miseranda, quod fieri debet, non tamen quod sequi conuenit.

VRATIONIS autem momenta sunt, victus frigidus humidus sed tenuis, acutis omnibus, non semper cum febre, præterquam peripneumoniæ commodus. Decoctum hordei potus elto, vinum minimè. Optimum medicamentum quies & animi tranquillitas. Venæ sectio cum expedit ad lipothymiam imperanda, ut in febribus ardentibus, pestilentibus non item. Catharsis, cacoehymix mediocri debita, ut consummata *ἐπὶ τῆς*. Oxycratum, potiones vulneraria ex symphyto, plantagine, rubia, herba roberti, pentaphyllo &c. parata, vomitione redditæ nil sinistri portendentes. Extraneorum corporum amotio (non magis artibus ut Nicodemi, Gilberti & Theodorici pigmentis aut vnguento magnetico tentanda) abscessus metu. Luxatorum aut fractorum osium reductio initio vitanda. Suppuratio triapharmaco & setone procuranda. Exquisita deterfio terebinthina & melle rosato. Carnis generatio & cicatricis inductio naturæ non artis opera. Toto morbi decursu symptomatum correctio. Alexipharmaca nulla.

Ergo Sclopetorum vulnera non sunt venenata. 130

Proponebat Lutetiæ IACOBVS THEVART Parisinus. Anno R. S. M. DC. XXVI.

F.M.P.
1794